

Goldman Sachs setuju bayar AS\$3.9b kepada Malaysia

m/s: 7

BH - 25/7/2020



Tengku Zafrul Tengku Abdul Aziz

Wang diterima daripada DoJ dikembalikan kepada rakyat: Tengku Zafrul

Oleh Alzahrin Alias
zahrin@bh.com.my

Kuala Lumpur: Goldman Sachs bersetuju membayar AS\$3.9 bilion (RM16.6 bilion) bagi penyelesaian caj dan tuntutan tertunggak berkaitan dengan tiga urus niaga bon membabitkan 1Malaysia Development Bhd (1MDB).

Menteri Kewangan, Tengku Datuk Seri Zafrul Aziz, berkata jumlah penyelesaian dan wang yang diterima oleh Malaysia dari Jabatan Kehakiman Amerika Syarikat (DoJ) lebih daripada AS\$4.5 bilion (RM19.14 bilion) akan dikembalikan kepada rakyat.

Beliau berkata, kerajaan terus komited untuk mendapatkan se-

mula aset lain yang masih belum dikembalikan.

"Penyelesaian ini merangkumi pembayaran tunai AS\$2.5 bilion (RM10.63 bilion) dan jaminan pengembalian penuh berjumlah sekurang-kurangnya AS\$1.4 bilion (RM5.95 bilion) dari segi aset yang berkait dengan hasil yang diseleweng melalui tiga urus niaga bon berkenaan," katanya dalam satu kenyataan semalam.

Tengku Zafrul berkata, Goldman Sachs, atas biayanya sendiri juga akan membantu kerajaan dalam melantik pakar pemulihan aset untuk mendapatkan kembali aset lain yang kini berada di luar Malaysia.

Jumlah penyelesaian ini adalah satu peningkatan yang ketara jika dibandingkan dengan tawaran sebelumnya sebanyak AS\$1.75 bilion (RM7.44 bilion) yang dibuat oleh Goldman Sachs kepada kerajaan pada 2019.

"Penyelesaian ini mewakili aset yang menjadi hak Malaysia. Kami yakin persetujuan ini berjaya mencapai jumlah pengembalian aset yang jauh lebih banyak daripada



Saya ingin mengucapkan terima kasih kepada Kementerian Kewangan, Jabatan Peguam Negara, Suruhanjaya Sekuriti Malaysia, Suruhanjaya Pencegahan Rasuah Malaysia, Pusat Pencegahan Jenayah Kewangan Nasional dan pasukan perunding atas usaha mereka mencapai penyelesaian ini. Ini adalah satu kejayaan dalam usaha mengembalikan hak dan harta rakyat Malaysia.

**Tan Sri Muhyiddin Yassin,
Perdana Menteri**

Goldman Sachs berbanding nilai yang ditawarkan terdahulu yang jauh di bawah jangkaan.

Penyelesaian Goldman Sachs ini juga adalah satu pengakuan salah laku oleh dua bekas pegawainya di dalam skim penipuan dan rasuah 1MDB.

Tengku Zafrul berkata, penye-

lesaian ini juga tidak akan menjejaskan tuntutan Malaysia terhadap Low Taek Jho atau Jho Low dan individu lain yang berkaitan dengan skandal 1MDB.

Difahami delegasi bank pelaburan Amerika Syarikat (AS) itu sudah berada di sini sejak akhir minggu lalu untuk berun-

ding dengan kerajaan mengenai penyelesaian terbabit.

Sumber yang rapat dengan perkara itu berkata, rundingan itu diketuai oleh Peguam Negara, Tan Sri Idrus Harun mewakili Malaysia manakala Goldman Sachs diketuai sendiri oleh Pengerusi dan Ketua Pegawai Eksekutifnya, David Solomon.

Rundingan yang turut disertai pegawai kanan Kementerian Kewangan sebelum ini dihentikan empat bulan disebabkan penularan COVID-19 dan perintah kawalan yang dikenakan kerajaan.

Malaysia berusaha mendapatkan semula AS\$2.7 bilion yang didakwa disalahgunakan daripada tiga terbitan bon 1MDB berjumlah AS\$6.5 bilion.

Kerajaan juga menuntut pengembalian wang berjumlah AS\$600 juta yang dijadikan sebagai bayaran yuran oleh Goldman Sachs.